



Universitätsbibliothek Paderborn

**Illustrissimi Domini Simonis De Fierlant, Hispaniarum Ac
Indiarum Catholico Regi, In Hispania Ac Belgio, A Concilio
Status, Brabantiae Cancellarii, Catholico Ab Affectu
Tractatus, Quo, Clarissime ...**

Fierlant, Simon de

Coloniæ Agrippinæ

§. 3. Theologiæ Compendium, aliæque Theses.

urn:nbn:de:hbz:466:1-37059

58 TRIUM-VIRORUM VANA

spirituali religiose fœminæ. Ut ut est hac quoque parte similis est Morali Gabriëlianæ, nec satis Ordinis in sua Bibliotheca amans erit, qui alterum ab altero sejungat, nisi fortasse medium interponat librum de frequenti Communione, unde uterque magna sui parte depromptus est; sic ut non male etiam Parisianis typis prodeat Gallica Methodus, quando iis etiam excusus est liber Gallicus, quem in Epitomen ipsa Methodus contraxit. Cæterum nolim Parisiis nasci, & condemnari in Hispania.

§. 3.

THEOLOGIÆ COMPENDIUM,
aliamque Theses.

NON habet hactenus *D. Gummarus* publicam in Scholis Academicis lectionem, saltem suo nomine: nam alienas quidem supplere vices ita frequenter audio, ut, alternas propè cum Principali suo Eximio *D. Francisco van Viane* lectiones dividens, Professor publicus credi possit: & sanè periculosas merces publicè qui vendit, suo id faciat, an alieno nomine, parùm fortasse ad rei summam, ad periculum certè nihil interest.

Habet tamen suam quoque domi suæ in Collegio Pontificio, cui præest, suarum mercium officinam, tantâ accurrentium undequaque emptorum frequentia, ut nihil sit

ET INFELIX CONCORDIA. 59

sit, cur Academicam Cathedram affectet. Prodeunt ex hac Schola inflammati Discipuli, Bajo-Jansenianos, quos istic hauserunt, ignes, veluti totidem ex æquo Trojano incendiarii, toto deinde Belgio sparsuri. Nec indiligens Professor Theses Theologicas jam inde ab anno 1672. hebdomatim sustinuit; & ne pretiosa adeò fragmenta perirent, in brevem collecta libellum sex abhinc annis primò prodiere, deinde iteratis typis anno jam proximè elapsò nova editio auctior, non emendatior, in lucem data est, hoc insignita titulo: *Compendium Theologiae, id est Theses ex Summa D. Thomæ hebdomadatim defensæ ab anno 1672. usque ad annum 1684. in Collegio Adriani VI. &c. Præside Eximio D. Gummaro, &c. juxta copiam Thesum Lovanii typis Lipsianis impressarum.*

Scrupulum non immeritò movit hæc editio *D. Nicolao du Bois*, quem, quia paucis, & per brevem parenthesin ipse explicat, longum non erit ejus verbis hic inserere, *de hoc*, inquit in Thesi secunda Theologica, *Compendio quæro per parenthesim, quomodo sine approbatione Censoris, absque nomine Typographi, non servata formâ Tridentini Concilii, & editorum Regiorum prodierit?* Digna sanè librorum Censore, & pro officio suo hæc quæstio est; tum ita pergit: *quomodo in frontispicio dicatur, juxta copiam Thesum Lovanii typis Lipsianis impressarum, quandoquidem in multis differat? nisi forte hic sit mirabilis restrictio. Theses pro exercitio quidem intra Academiam*

H 2

Stu-



60 TRIUM-VIRORUM VANA

*Studioſis, Lectoribus, Professoribus, Doctoribus communi-
candæ tantum, non autem promulgandæ ubique appro-
bationem Censoris non requirunt; sed liber constans 333.
paginis in tenui carætere, Compendium Theologicum, po-
tuitne publicè, sine approbatione & nomine Typographi,
evulgari eo prætextu quod multa in eo sint, quæ à duodecim
annis & citra fuerunt in Thesibus expressa? an non hic
magna laxitas? Hactenus ille*

At non vedit omnia satis alioqui perspicax D. Du Bois;
nam illud potuisset addere, ex quo demum tempore
Bajus Janseniusque Angelici Doctoris nomine veniant,
ita enim damnata eorum scripta redolent, quæ ex hujus
summa deprompta dicuntur, ut Theologiæ Bajo-Jan-
senianæ verius, quam Angelicæ compendium esse videa-
tur: nec quia mole parvus est liber parum damni timen-
dum est, ad magnum incendium parva scintilla est satis,
& dispersum grandiori in massa venenum, quo magis col-
ligitur, hoc agit potentius.

At quid hæc ad me, fortasse inquies? in eum hæc
dicta oportuit, qui nec sciente me, nec Authore, Theses
meas in Theologicum compendium collectas typis edidit;
reddat rationem facti, qui fecit; & scrupulos eximat,
qui injecit. Verum ego ignotos non alloquor, & collector
ille obscurè nimium sub his literis G. I. V. D. C. S. T. B. F.
delitescit, quibus quidem è literis nihil certi intelligo,
nisi eum S. Theologiæ Baccalaureum esse formatum,
quem,

ET INFELIX CONCORDIA. 61

quem, si divinare licet, non alium esse suspicabor, quam qui sub iisdem literis S.T. B. Racematoriae Synodi & apud Sylvierum praeco erat, & ipso in confessu fuerat Praeses; at is herculè si est, non malè te alloquebar, ita enim, ut supra vidimus, tibi ille intimus est, ut loqui tibi non possim, nisi ipse audiat.

Neque hic locum obtinere potest frigidum tuum illud, quod 20. Augusti anno 1682. conclusione prima cum P. Lemos garriebas, nihil ex Thesibus de ipsius Praesidis doctrina confici posse, propterea quod *juvenes multoties contra proprios Praesidentes ostentationis ingenii gratia plura non vera defendunt*, nam praeter ea, quæ hac super re suis adversus te Thesibus doctè differuit R. P. Philippus de Vos, S. J. habe istud ex jure effatum, *illa nostra facimus, quibus auctoritatem nostram impartimur*. Deinde, ut alii id omnes dicent, tu tamen negare deberes, qui ex Discipulorum Thesibus tuæ facis Theologiæ compendium: in hoc certè nomen Gummari Praesidis lego, defendantium non lego. An ergo drepentè doctrina in compendio tua est facta, quæ in Thesibus fuerat ostentatio Discipulorum? at hoc non Discipulos docere, sed ab iis doceri est.

Imo dum tuas toto Belgio Theses, ut facis, disseminas sparsis 1200. etiam Exemplaribus, id te credamus agere, ut omnes ubique intelligent, non quid tu doceas, sed quæ, & quanta fuerit in defendantे tuo ingenii ostentatio. Ridiculum

culum inventum , ac malignum ! quo *plura non vera* ,
plura non Catholica defendas , Adversarios turpiter ca-
lumnieris , quidquid lubuerit impunè effutias : nam si
quis , cuius interest , hoc te nomine postulet , in promptu
est defensio : *juvenes multoties contra proprios Præsidentes*
ostentationis ingenii gratiâ plura non vera defendunt :
nec cerebri hoc tui inventum est ; didicisti ab iis , qui
cum deprompta fideliter , ac descripta è Lovaniensium
Thesibus Specimina defendere Romæ satis non possent ,
id demum artificii fraudulenter excogitarunt , quo Ro-
manas aures eluderent , illustrique adeo charitatis & ju-
stitiæ exemplo , ut reos Præsides absolverent , in innocen-
tes defendantium humeros culpam conjecerunt : at ita
herculè qui agitis , quin & arte eadem , & operâ dispersos
passim in libellis vestris errores Typographis affingitis ?

Et verò novas continuo , & novas Theses edere non
cessat pruriens ejus ad scribendum manus , sed eodem
omnes odore perfusas . His longas exhibit observationes
super 65. Propositiones ab INNOCENTIO X I. justissimè
condemnatas : operosè hic sudat , ut in earum Authores ,
originemque inquirat . Mallem herculè in quinque Pro-
positiones Jansenii , & damnatos Baji articulos utiliorem
commentarium scriberet , nec id tantum inquireret , qui
primi earum Authores fuerint , quod manifestum est ;
sed illud in primis , qui duræ adeo cervicis , & perfrictæ
frontis hodie dum etiam inveniantur , qui sub doloso
cinere

ET INFELIX CONCORDIA. 63

cinere Bajo-Jansenianum ignem novas agunt in flamas ,
frustra è colle Quirinali Apostolicâ Sede toties fulmi-
nante : nec longo aut labore aut itinere opus est, nec
in ultimam usque Thulen navigandum , habet, quos
quærat, in Patria, imo domi suæ habet, quos inveniat.

Neque hic, Lector, conviciari me putas, quod Baji
Janseniique erroribus D.Gummarum videar aspergere; gra-
tificor homini, amat enim illa nomina, nedum his ter-
retur aut offenditur vir intrepidus. Mihi non credis ?
ipsum audi ? *Cum pueri* (inquit pertinente ad Theses
suas 3. Martii 1684.) ostendunt se nosse , quod lemures
nocturni sint chimeræ , hi ultra non accersuntur ad illo-
rum terrorem. *Quorsum* igitur nunc iterum repetitur hoc
toties detectum sophisma , ita Lutherus , ita Calvinus, &c.
Bajus , Jansenius , ergo male, ergo hæretice. Audivi , qui,
hoc pertinens cum legeret , Catholicam multorum in-
dignationem festivo nec illerido, sed juvenili epigrammate
abstergeret. Hoc autem à me huc transscribi ætas & digni-
tas non patitar. Atque adeò haec satis , respiret nunc
aliquantulum Eximus, ego interim ad Eruditissimum.



AR.